

福建通志

第捌拾叁冊
文苑傳

福建文苑傳卷八

清二

陳一策字爾沈晉江人少有神童之目年十一籍諸生吳士玉稱其詩古文詞博瞻淵雅具有法度乾隆元年薦舉博學宏詞都中名流服其文藻一策方正自持不事干謁詩學得諸其祖俞侯

道光通志

席大霽字作舟別字未亭建寧人幼辟亂秦寧歸而家破釀酒縣市自給年二十二始發憤從叔父某學爲縣學生食餼教授弟子甚盛乾隆戊午貢入太學更四年以疾終于家年七十四將終爲聯句自輓其言悲慨婉篤見者歎息縣宰劉毓珍親奠其家始建寧僻處閩西士無遠志其才者閒爲饒語律詩以自異無能道古文者大霽始尋宋文憲楊文貞之遺益治經子書學爲古文弟子萬斯年遊太學以示寧化雷鉉鉉異之爲作序識宋仕琇於少時書其文後云他日必以古文名世仕琇稱其文淡朴有致時人不識云

梅庵居士文集

鄭宗堯字剛勳連江人副貢生性孝友父早喪遇諱日拊擗長號以爲常所僦屋陋其弟欲爲卜居宗堯曰先人窀穸未妥遑謀安平竭貲葬其父宗祠後陳地王父之祖遺也悉舉以益祠宇與同里孫拱極爲文字友沈酣六籍仁和杭世駿謂其爲文卓詭切至而宗於經爲作華泉居士傳宗堯嘗讀書玉泉寶華二山因以自號

吳漣字水崖龍巖人由舉人知衡山縣政尚簡靜充鄉試同考官所取皆佳士及歸與生徒論文戶外屢滿工詩古文詞並善楷法同里廩生陳大炎乾隆元年巡撫盧焯以博學宏詞薦

孫拱極字肅佑連江人乾隆己未進士出仁和杭世駿之門選庶常散館改知縣尋以事落職留都中十載歸掌教龍峰書院性傲岸自喜於人多不合而亦不求合於人也子讓乾隆甲子舉人歷晉江順昌上杭彰化教

諭擢知榆林縣以忤當道歸

以上道志

方紳字羽公初名鶴鳴乾隆元年以優貢生舉博學鴻儒至甲子始舉於

鄉沒後其友張源義爲刻詩文集詩卷至數千首名不已言集

下機理

傳

鄧浩字星瀾號畸人侯官人乾隆辛酉舉人以足疾不仕教授永福遠家

焉著有孫吳統策十六卷車載博議四卷礮戰源流三卷主旨撮要四卷

道藏詩文選注六卷漢魏詩評注十卷馬班古文通義十卷詞苑丹頭二

十卷瀚海集九十卷文壇舉逸二十卷黃庭經注一卷道德經補注四卷

青鳥經注一卷文集四卷詩集二卷藏鄭玉璫家燬於火士林惜之

鄭王臣字慎人號蘭陔莆田人乾隆辛酉拔貢生充武英殿校錄丙子順

天鄉試副舉人以州同分發四川宰銅梁成都二縣興利除弊調井研修

城池立社倉悉捐廉爲倡累遷至蘭州府知府奉使西藏旋引疾歸著有

南風清籟集黃石山人詩集蘭陔詩話朱仕琇盛稱其詩

道光通志前
風清籟集序

字俊字千人建寧人束髮讀書纂染鴻范冉之爲人乾隆甲子副貢生教

授鄉里親友勸求祿仕不應工古歌詩朱仕琇以爲超邁有騷人之風江

西魯仕驥以爲於蘇州爲近嘗爲寫全集授梓所居雖水之陽面水負山

旁構小屋二楹雙梧扶疎列於牕外其旁隙地皆大樞學者稱樞園先生

山木居士文集
梅崖居士文集

朱仕琇字斐瞻號梅崖建寧人曾祖國漢自有傳仕琇穎悟而拙於記誦
日僅數十言幼讀書於所居溪西之別業曰松谷其世父曲廬先生所築
也延師課子弟其中而大書王文成客坐私祝之語懸於堂四方之士來
遊願假館讀書者察其誠篤輒授餐焉俾子弟得相與講習有南豐湯廷
竹者好作古文仕琇與論湯初靳而弗言旣而偶疵議時人所作仕琇心
契之遂以已意求古人之文一以曰蔡韓子爲師有所作湯見之大驚轉
以已業請正於仕琇爲評其得失湯愧服焉嘗代族人作書求文於寧化
雷副憲鉉鉉得書驚嘆曰是書尺幅中皆淳古冲淡之氣古大家手筆也
而他求何耶旣而知出自仕琇亟向人稱之於是仕琇之名曰著仕琇旣
乃攻古文而所作制義益奇人見之多不解則其非笑之仕琇自信益篤

乾隆九年以第一人舉於鄉十三年成進士改庶吉士先是乙丑會試清江場錫黻知貢舉見仕琇卷洒然異之出閣謂所知曰朱某之文古人之文也及是名聞公卿莫不願折節行與交仕琇循循然守後輩禮一進謁後法曹數還往或以簡傲疑者仕琇曰吾一介書生甫登第敢傲哉顧蒙恩入翰林俾得優遊讀書而養於徵逐糜餼票費日力乎曰京華之地出必資馬費且不貲吾懼無以砥厲廉隅也散館出知山東夏津縣以至誠惻怛撫其民民爲之謠曰夏津清我公能在任七年以河決改福寧州教授歸其爲縣也嘗以歸震川之令長興自況又嘗咏稱何武爲吏當時無赫赫名而去後嘗繫人思及其去夏津也夏津民果曰思慕之久而不置既抵教授任念母老以足疾辭歸侍養既終母喪復補福寧教授仍以疾辭而大吏多知之者遂禮請王講齋峰書院再三辭弗獲在書院十五年造就人才甚眾乾隆四十四年疾日甚乃歸歿邑之雖川書院四十五年七月卒於家年六十有六接物一以真意而人之情僞未嘗不黑白分

也遇事關節解應之若不經意而條理劃然任夏津時獄獄具堂吏竄
易供辭於卷以進幕賓輒批行仕琇覆閱之加批嚴飭堂吏幕賓怒要言
辭去仕琇婉謝焉不解仕琇笑曰君果去耶越命庖人治具躬餞之繼來
者聞之皆謹飭治文書吏無敢舞文者生平以古文詞自力欲追古之立
言者而要歸於自得以爲清穆者惟天澹泊者惟水含之咀之得其妙以
爲文者惟人夫其索鑰從入之途唐韓宋歐陽上薄二漢放乎周秦岷然
而與六經之指合其得之意極其狀也康輿渺瀰若靈鬼神而推而準之
平直圓方以平吾氣以寧吾心斬斬自成名一家集嘗與大興朱筠遭於
京師邈然懷古其論此事仕琇懇懇執衷謂筠曰及吾兩人未死古文詞
論定也其教學者爲文卽舉韓子之所以教人者而綜其要以立誠爲本
以文從字順各識職爲歸以中有自得而能自爲爲死苑有文集三十卷
外集八卷子又撰縣學生從同邑李俊遊有文行早卒

山本居士文集因
史本傳朱筠撰墓

朱仕玠字璧豐仕琇弟拔貢生教諭德化移鳳山擢知內黃縣遂歸仕玠
能古今文尤工詩嘗以古今論詩稱宋嚴氏然所見僅能盡盛唐諸人之
美至其前者皆不能合也因舉經解溫柔敦厚四言爲詩本其所自爲格
致極高蘭閨詩自明初林鴻高棟倡盛唐之學摹擬失真沿成習派仕玠
因輯何梅李榮英族父璠世父霞四家詩皆出自新意不囿於土風爲雅
溪四家詩鈔

江中時字子隨號秋水泰寧人貢生少嗜學專攻心得不屑屑記誦尤以
身體力行爲務年三十七赴鄉闈歸途聞父卒星夜奔回慟幾絕後遂不
應科舉鏡志著述工古文尤喜爲詩嘗以詩文質朱仕琇李俊皆期許深
至卒年七十

孫振豪字汝西浦城人府學生舉賢良方正以母老辭選拔至京名譽噪
都下以考授州同需次南旋乾隆癸酉舉於鄉明年以明通榜改就教職
還客兗州知府鄭方坤方開詩話軒招賓客振豪素以詩鳴極倡酬之樂

補邵武府訓導以病乞假歸葺意可別墅焚香瀟茗嘯詠其中恬如也篤

行誼業雖老乏嗣爲買妾舉一子師歿撫孤使成立

以上道光通志

葉夢苓字松根侯官人乾隆壬午科舉人官臺灣鳳山縣學訓導遇叛寇

戕縣令乃招集義勇竭力防禦逾年全家殉焉夢苓爲黃任外孫女壻有

秋江集箋注餘文稿吟草與聞棠紀詩話解頤皆湮沒於官解中

耕村姑留稿

何蔚然字素宜號秀巖侯官人少孤母幼之學乾隆三十年舉於鄉奉母

至孝母年九十二卒凡母所嗜食物不列入口有兄三人皆早卒撫從子

慈篤備至西湖書院出鉅貲新之居迎仙門外築西郊草堂藏書十萬

卷有瑞芬軒集四卷子治邇傳在儒林孫廣憲字肫道道光十九年舉人

殿領圖書中能古文喜作書篆隸瘦勁得漢魏遺意

肫道修庵遺書鈔
肫道隱筆記

劉芳號直庵閩人貌若枯僧以布衣浪遊所至棲深山古刹受羣僧供養

問伺不還歸笑而不答晚年卒於邇州之狼山羣僧爲築於路右丞墓側

置石碣焉有宿隨園贈袁枚句云安仁尚有栽花興孟博全無攬轡心水

倒窓知月上松風攬枕信秋深焦山避暑云衣沾濕翠晴猶滴樹柳涼
午不消壓檻有天連水閣開門無路入摩羅瓦官寺云曲徑雲深僧
重閉門花落客鞋香軍山夜坐云星辰夜影牕間落江海秋潮枕上生
有狼山志隱園詩話
好王樓集

邱嘉謨字起龍一字石村連江人爲諸生少聰穎不作世儒章句學而以
氣節事業自砥礪纂古人言行足以廉頑立懦者及兵家機要成若干卷
喜汗漫遊足跡所至輒形題詠作遊草及雜著若干卷卒年四十九

朱維字和鳴建寧人歲貢生天姿超絕好學不倦營手鈔六經及至馬
屈荀揚孟韓氏之言去其疵者其文辭旨潔而則溫而有倫得韓愈李
之之遺詩長於五古專王大謝旁及顏鮑諸家多淵然自得之旨趣著有
文集四卷燬於火有詩集行世

陳雲平字乃章以字行龍溪人儻不羣文章自命每有傷懷見之吟
居石碼時稱石溪七子後病肺理生平所著憤恨而卒

諸葛良輔字子襄晉江人父葵常作無題詩三十首諷刺深遠傳誦一時
良輔學詩長洲沈德潛已從之京師滿洲貴人愛其詩館之數年歸寓紫
雲寺初吳人郭某以詩遊安南爲其屬島港口主者所知禮遇甚厚至是
以老歸王問唐人能詩者以良輔對乃遣其甲螺與貢使俱送郭還而聘
良輔至則值其主誕日爲五言百韻詩以獻王大悅餽贈有加歲餘病卒
遺以紫金冠葬國門外良輔少時嘗附賈舶歷外洋熟悉外國山川風土
百諸物產之異將赴港口一二竹箱於林菲爾生員家比卒啓之皆居京
師及吳門時數十年日記凡百餘冊詩文百餘篇皆手書

曾廷鳳字儀侯號竹梧惠安人恩貢生少從父岱宦學浙江歸後編茅蓮
花山下抱病二十載窮而詩愈工自謂詩學陰何興趣淋漓如身在高山
流水閒歲貢生李占春與廷鳳結社爲詩友

范民譽字伯名壽寧人由貢生授太田教諭辭不就博覽羣書善引後學
課督諸子邪僻之書不入於目著有課兒詩經說啓發學者性情尤爲親

城

李大儒字魯一號愚庵建寧人從李俊遊嗜爲詩博覽莊列老釋讀書折衷以儒者之言冥搜幽討期於自得俊謂是有天機非詩人所解嘉定王鳴盛以選詩誘掖海內後進謂大儒詩與已合馳書往復獎勉交至大儒族叔祥雲亦工詩大儒稱其詩才清妙有太白子昂之遺李舟字應打號葦杭縣學生獨好爲古文調究心唐詩諸家尤得力於廬陵歐陽氏俊雅愛重之年八十一卒

以上並光緒志

李國治字維揚侯官人邑諸生以試帖詩爲學使河間紀昀所激賞又嘗

草詩爲同輩所稱呼爲張春草著有片亭集大都清麗和雅近十才

格鄉風味

李風調林喬蔭嘗擇其五言佳者數首入摘句圖
蔡容字惟英號于麓閩縣人成童盡讀其家藏書益從其鄰陳縣令家借讀鄭方坤所寄書數萬卷觀其大意弱冠筆所見爲書疑積數寸雖處困頓岸然以古豪傑自期或曰爲痴弗顧也先後下帷于山北

羅山法海諸蘭若凡十餘年。嗜古好學。未嘗見其一日釋卷。比壯出遊。劍
津三登武夷。泛錢塘。西湖。歷覽大江南北。涉彭蠡而歸。所與遊多江以南
知名士。嘗客某知府幕中。一言不契。僕輒行歸。而益貧。妹與弟相繼病
瘵。以沒竭力醫藥。家遂墮立。雖詩文以養時。或臨炊市人高其信義。繼粟
繼肉。不待求。復故。腹空而堂上甘旨未嘗缺。比沒祖康。色養益腆。四庫
甫刊。即入彙編。入都謀一官。不屑也。嘗謂左氏傳非一家言。其文凡三變。
後更漢而下。言文章無不發源於此。說古文以入大家之目。爲非是謂。
唐柳宗元李觀邵公之文皆卓然名家。數固不止於八也。初補
蘇軾一名字曼卿。父字道晦。龍巖一作龍溪人。隨父宦吳。家吳門。少受詩學
於其叔顯。能自出機杼。嘗客巡撫奇豐額幕。與尤維熊爭狎。一姬一夕待
賓。妻秦材官四出。大索寶。方醉。眠倡家。不顧也。明日巡撫下令逐姬。寶憤
然曰。逐姬是逐客也。柳袖徑出。李兵備某分巡上海。慕寶名。羅致之。因得
與一時名流吳錫應洪亮吉諸人交。酒酣和時有侑生者。琵琶名海內。第

一李嘗月夜泛海命生奏海天秋曲驚濤怒乘魚龍出聽座客咸賦詩推
寶擅場有林琵琶之目寶於諸體中尤善歌行時稱林七古唐仲冕時官
吳門聞寶有一箇人家一朶雲之句謂寶詩才踔厲非僅有名句可入王
客圖也篇帙甚富晚年手自刊削僅存百五十首

天真閣集乾
嘉全閩詩話

童孫燦字若星連城諸生有瘡志詩草陸錫熊爲作序以乾坤有清氣散

入詩人脾稱之

汀南廬
存集

張源義字世文晉江人乾隆庚寅舉人治三禮以疑義質洗馬官獻瑤獻
瑤曰若乃不爲俗學濶耶爲剖析之初安溪王士讓以宏詞科徵入都與
修三禮書成自爲儀禮紉解十二卷凡六易稿未刻而卒至是獻瑤以授
源義源義刻而傳之

道光
通志

鄭洛英字耆仲一字西澥侯官

道光
通志

人前後爲學使大興朱筠朱珪所

賞拔少喜爲詩質本魯以專且久而豁然博涉史傳能騎射鼓琴善畫水
墨蘭石嘗語人云我又不如詩字不如畫困諸生久乾隆三十五年舉於

鄉體素羸家貧遇寒常惴惴然恐業之不成名之不立而身將殞也閒游
邵武郡人徐時作爲錢其詩二十二卷皆四十以前作無何竟卒洛英從
建寧朱仕琇游仕琇稱其詩至者蒼鬱孤清得古人神理論者謂其才格
於虞集高啓爲近惜不假以年也有恥虛齋前集後集外集文鈔子昂字
曰如父字秋江邑諸生有秋江未焚草

陳壽祺撰傳

林芳字竹佃號淡菴子閩縣人爲人蕩佚簡易惟好讀古人書乾隆庚寅
以春教舉於鄉再上公車遂謝病不復行友人或強之因假道遊歷吳越
山水抵淮揚托疾而返平居苦愁獨處一字曰兼葭館焚香兀坐每風雨
之夜百端交集與病爲緣妻陳氏雅不以家務相累結縷式好恬如也無
何陳氏病且死矣芳潛然不能爲懷曾官建安教諭遠遊建邵謫邑眺滄
浪詩經懷詩李忠定補廬縱窺武夷諸名勝因愛建陽留焉歲或一臥論
文王歐陽詩不應休休憐憫惻惻之懷時於詩古文寓之齋頭客邸多種
秋庭葉靜對徘徊有懷然感舊意平生知交寥落有第大瑛常唱和爲樂

其在建陽相與者徐經三國一人也著有竹佃詩略二卷竹佃閒話錄三

卷

雅歌堂文集林希五文集並嘉全閣詩傳

林開璵字長川一字曉樓又字西癡閩縣人乾隆庚寅舉人官大田訓導明末有嚴氏女殉親赴水死鄉爲造橋立碑久毀重修之六十年大饑勸富戶減價平糶遷永安與知縣協力採買穀士民樂輸以長年榜調遷當得縣尹吏持文狀責納貲遂拂衣歸有曉山詩鈔十卷梁章鉅謂其扶十子之藩籬而於家庭師友之際尤纏綿悱惻云

乾嘉全閣詩傳

林澍蕃字于宣又字香海侯官人少孤母鄭氏有女宗之自課之經史穎異如成人九歲卽工爲詩十七與兄喬陰同舉于鄉乾隆三十六年成進士入詞館貌如冠玉權貴鑒其才欲羅致門下澍蕃與同里梁上國曲阜孔廣森有歲寒之盟相戒弗就後主浙江鄉試有以關節相干者卽其座師也譽其人甚至澍蕃曰果爾則暗中摸索而得之不更美乎其師語塞而去年二十八卒無子孔廣森爲之誄傳於時嘗爲廣森撰武成頌其

麗廣森復加刪潤今列入儀鄭堂集中莫知其爲謝蕃原製也所爲詩工於言熟識者知其年不永有南陔詩集

乾嘉全
闕詩解

王大經字陸亭侯官人乾隆甲寅舉人大挑二等補南靖訓導性嗜學於古文家源流正變能擇精而語詳所爲文清簡有法著論語集注辨歧探

璠頗博又輯前明以來遺文爲治南文鈔

師友
集

陳登龍字壽朋號秋坪高祖丹赤耿精忠之變殉難諡忠毅曾祖一葵以難降授夔州知府登龍七歲而孤母黃氏食貧以紡絲爲生撫登龍與一弟一妹以立登龍勤苦力學博涉典籍長於詩古文詞旁及琴棋書畫乾隆三十九年舉於鄉大挑一等分發四川試用知縣署天全州卽前大金川地也歸化未立學生徒附雅州登龍捐廉俸請於大府奏准設學學額八名移蘆山縣學訓導教之創文廟建和川書院以訓士子豪奪婦田登龍助斷明確豪不能欺歸田於婦囚袁某處決子穉無所歸登龍收養之終其身人稱陳青天爲立生祠學使歲試文章場弊覺付提調治之登